



CURRENT STATUS OF ACCOUNTING OF DIRECT TAXES

<https://doi.org/10.5281/zenodo.10071916>

Yangiboev H.A.

Independent researcher of the Fiscal Institute

ANNOTATION

In this article, the current state of direct tax accounting, its socio-economic significance, theoretical and legal issues, and the opinions of economists are studied. The accounting of direct taxes was analyzed and conclusions and proposals for improvement were developed.

Keywords

accounting, tax accounting, method, subjects, objects, direct taxes, accounting policy, analysis.

**БЕВОСИТА СОЛИҚЛАРНИНГ БУХГАЛТЕРИЯ ҲИСОБИНИ АМАЛДАГИ
ҲОЛАТИ**

Янгибоев Ҳ.А.

Фискал институт мустақил тадқиқотчиси

АННОТАЦИЯ

Ушбу мақолада бевосита солиқларнинг бухгалтерия ҳисобини амалдаги ҳолати, ижтимоий-иқтисодий аҳамияти, назарий-ҳуқуқий масалалари ҳамда иқтисодчи олимларнинг фикрлари ўрганилган. Бевосита солиқларнинг бухгалтерия ҳисоби таҳлил қилинган ва такомиллаштиришга оид хулоса ва таклифлар ишлаб чиқилган.

Калит сўзлар

бухгалтерия ҳисоби, солиқ ҳисоби, метод, субъектлар, объектлар, бевосита солиқлар, ҳисоб сиёсати, таҳлил.

АННОТАЦИЯ

В данной статье изучено современное состояние учета прямого налога, его социально-экономическое значение, теоретические и правовые вопросы, а также мнения экономистов. Проанализирован учет прямых налогов и разработаны выводы и предложения по совершенствованию.

Ключевые слова

бухгалтерский учет, налоговый учет, метод, субъекты, объекты, прямые налоги, учетная политика, анализ.



1. Кириш.

Рақамли иқтисодиёти шароитида ҳисоб тадбиркорлар маблағларини ишлаб чиқариш ва тақсимлаш жараёнида моддий ишлаб чиқаришни ташкил қилиш, бошқариш ва раҳбарлик қилиш учун жуда муҳим ҳисобланади.

Мамлакатимизда бозор муносабатларини янада ривожлантириш турли тармоқлардаги корхоналарда бошқарув тизимини янги талабларга мослаштириш - ушбу субъектларда юритилаётган бухгалтерия ҳисоби тартиб қоидаларига бевосита боғлиқдир. "Бухгалтерия ҳисоби барча хўжалик операцияларни яхлит, узлуксиз, ҳужжатлар асосида ҳисобга олиш йўли билан бухгалтерия ахборотларини йиғиш, қайд этиш ва умумлаштиришнинг тартибга солинган тизимидан, шунингдек унинг асосида молиявий ва бошқа ҳисоботларни тузишдан иборат"⁴⁹.

2. Адабиётлар шарҳи.

Бухгалтерия ҳисоби кишилик жамияти ривожланиши, унинг фаолият юритиш тартиби билан бевосита боғлиқдир. Америкалик соҳа олимлари профессорлар Б. Нидлз, Х.Андерсон ва амалиётчибухгалтер Д.Колдуэлларнинг фикрича: "Бухгалтерия ҳисоби хўжалик фаолияти билан бошқарув қарорларини қабул қилувчи кишилар ўртасида алоқа боғловчи восита бўлиб ҳисобланади"⁵⁰. Бухгалтерия ҳисобининг шаклланиш ва ривожланиш тарихи жамият тарраққиёти, ижтимоий соҳадаги ўзгаришлар билан узвий боғлиқ бўлган. Ғарб олимлари М.Р. Мэтьюс ва Х.Б. Перералар ўз дарсликларида ижтимоий тараққиёт ва бухгалтерия ҳисоби ўртасидаги алоқани қуйидагича асослаганлар: "... ижтимоий соҳадаги ўзгаришлар бухгалтерия ҳисоби асосий омилига айланган бўлса, ўз навбатида, ижтимоий ўзгаришлар ҳам бухгалтерия ҳисоби ривожланиши билан узвий боғлиқдир"⁵¹.

Давлат ҳокимияти ва бошқаруви органлари, Ўзбекистон Республикасида рўйхатга олинган юридик шахслар, уларнинг Ўзбекистон Республикаси ҳудудида ҳамда ундан ташқарида жойлашган шубҳа корхоналари, ваколатхоналари, филиаллари ва бошқа таркибий бўлинмалари ҳисобланса, ктивлар, мажбуриятлар, хусусий капитал, захиралар, даромадлар, харажатлар, фойда, зарарлар ва уларнинг ҳаракати билан боғлиқ хўжалик операциялари бухгалтерия ҳисобининг объектлари ҳисобланади. Корхона ва ташкилотларда бухгалтерия ҳисобининг муҳим объектлари бўлиб солиқлар

⁴⁹ Ўзбекистон Республикаси Қонуни: «Бухгалтерия ҳисоби тўғрисида (янги таҳрири)». 2016 йил 13 апрель.

⁵⁰ Нидлз Б. и др. Принципы бухгалтерского учета / Б. Нидлз, Х. Андерсон, Д. Колдуэлл: Пер. с англ./ Под ред. Я.В. Соколова. -М: Финансы и статистика, 2003, с.13.

⁵¹ Мэтьюс М.Р. Перера, М.Х.Б. Теория бухгалтерского учета. Учебник./ Пер. с англ./ Под ред. Я.В. Соколова. И. А. Смирновой.- М: Аудит, ЮНИТИ, 1999, с.65

ҳисобланади. Солиқ кодексининг 16-моддасига асосан солиқ деганда Ўзбекистон Республикасининг Давлат бюджетига ёки давлат мақсадли жамғармасига тўланадиган мажбурий бегараз тўлов тушунилади.⁵² Шундай қилиб солиқ органларни бевосита солиқлар бухгалтерия ҳисобини субъектни ҳисобланса, корхона мажбуриятларнинг маълум бир қисми яъни бевосита солиқлар бухгалтерия ҳисобини объекти ҳисобланади.

Солиқ ҳисобининг предмети деганда хўжалик юритувчи субъектлар ва тадбиркорларнинг хўжалик фаолиятини юритиш асосида солиқлар ва йиғимлар бўйича келиб чиқадиган мажбуриятларни ҳисоблаш, тўлаш ва таҳлил қилиш тушунилади. Бу таърифдан кўриниб турибдики, бухгалтерия ҳисобининг предмети солиқ ҳисоби предметига нисбатан кенг тушунча бўлиб, солиқ ҳисоби бухгалтерия ҳисоби предметининг таркибига киради ва унинг моҳиятини янада аниқлаштиради.

Солиқ ҳисобининг методи – хўжалик юритувчи субъектларнинг хўжалик операциялари, активлари, солиқлар ва йиғимлар бўйича мажбуриятлар, даромад, харажат ва фойда кўрсаткичларини акс эттирувчи усуллар мажмуасидир. Солиқ ҳисобининг субъекти бўлиб солиқ тўловчи юридик ва жисмоний шахслар ҳисобланади. Солиқ ҳисобининг объектларини аниқлашда бевосита бухгалтерия ҳисобининг объектига мурожаат қилишимиз керак. Чунки бухгалтерия ҳисобининг объектилари молиявий, бошқарув ва солиқ ҳисоблари объектининг асоси ҳисобланади.

Солиқ ҳисобининг концепцияси – солиқ ҳисобини юритиш ва солиқ ҳисоботини тузишнинг асосий назарий тамойилларининг мажмуасидир. Бу таърифдан кўриниб турибдики, концепция элементлари бўлиб солиқ ҳисобининг тамойиллари ҳисобланади.

3. Тадқиқот методологияси.

Тадқиқотимиз методологияси бўлиб, бевосита солиқларнинг бухгалтерия ҳисобини амалдаги ҳолатини назарий-ҳуқуқий асослари методологиясини иқтисодий муносабатлар ҳисобланади. Бевосита солиқларнинг бухгалтерия ҳисобини амалдаги ҳолати асослари умумлаштирилди.

Тадқиқот жараёнида амалий материалларни таққослаш ва гуруҳлаш каби усуллардан фойдаланилиб, хулоса ва таклифлар ишлаб чиқилди.


4. Таҳлил ва натижалар.

Солиқ ҳисоби – мустақил фаолият юритувчи барча жисмоний ва юридик субъектларнинг солиқ ва йиғимлар бўйича солиқ тортиш базасини аниқлаш учун зарур бўлган бошланғич маълумотларни ҳисобга олиш тизимидир.

⁵² Ўзбекистон Республикаси Солиқ кодексининг 16-моддаси. 2023.

Солиқ ҳисобининг вазифаси – бу ҳисобот даврида солиқ тўловларни тўғри ҳисоблаш учун зарур бўлган ишончли маълумотларни ҳисобга олиш, ҳамда ички ва ташқи фойдаланувчиларни зарурий маълумотлар билан таъминлашдан иборат.

Бухгалтерия ҳисоби таркибига «солиқ ҳисоби»ни киритиш натижасида ҳисоб турларининг таснифи қуйидаги кўринишга эга бўлади (1-расм).



1-расм. Ҳисоб турларининг таснифи⁵³.

Бухгалтерия ҳисоби молиявий, бошқарув ва солиқ ҳисобларидан ташкил топган. Молиявий, ҳисобнинг якуни сифатида молиявий ҳисоботлар тузилса, бошқарув ҳисоби натижасида бошқарув қарорлари ишлаб чиқилади, солиқ ҳисобининг якуний натижасида эса - солиқлар бўйича ҳисобот тузилади.

Молиявий бошқарув ва солиқ ҳисоблари бир-бири билан боғлиқ бўлиб, бир-бирини маълумотлар билан тўлдиради. Бу эса, бухгалтерия ҳисоби ахборотларидан фойдаланувчилар учун зарур бўлган маълумотларни тўлиқ олиш имкониятини беради.

Солиқ ҳисобининг аналитик регистлари - бухгалтерия ҳисоби счётларига тақсимланмаган (акс эттирилмаган) ҳолда ҳисоб давридаги солиқ ҳисоби маълумотларини гуруҳлаштирилган, тизимлаштирилган йиғма шаклларида. Аналитик регистрлар солиқ тўловчилар томонидан мустақил равишда ишлаб чиқилади ва ҳисоб сиёсатида илова қилинади.

Хўжалик юритувчи субъектлар солиқ ҳисобини ташкил этиш, уни юритишнинг методикаси, фойдаланиладиган ишчи счётлар режаси, регистрларни ўзгаришининг солиқ ҳисоби сиёсатида аниқ кўрсатадилар.

⁵³ Расм муаллиф томонидан тайёрланган.



Бевосита солиқ ҳисобининг асосий вазифалари қуйидагилар ҳисобланади:

3) Солиқ тўловчи ёки солиқ агенти томонидан бевосита солиқларни ўз вақтида ва тўғри ҳисоблаш;

2) Ҳисобланган бевосита солиқларни давлат бюджети ўз вақтида тўланишини таъминлаш;

3) Бевосита солиқлар бўйича белгиланган имтиёزلардан кенг фойдаланиш.

Солиқ солиш объектлари ва солиқ солиш билан боғлиқ объектлар тўғрисидаги ахборотни умумлаштириш ҳамда тизимлаштириш, шунингдек бевосита солиқларни, ҳисоблаб чиқариш ва солиқ ҳисоботини тузиш мақсадида солиқ тўловчи ёки солиқ агенти томонидан ҳисоб ҳужжатларини юритиш бевосита солиқлар ҳисоби деб эътироф этилади. Ҳисоб ҳужжатлари солиқ солиш объектларини ва солиқ солиш билан боғлиқ объектларни аниқлаш, шунингдек бевосита солиқларни ҳисоблаб чиқариш учун асос бўлган бошланғич ҳужжатлар, бухгалтерия ҳисоби регистрлари ҳамда бошқа ҳужжатлардан иборатдир.

Солиқ тўловчиларни солиқ тўғрисидаги қонун ҳужжатларга мувофиқ юзага келадиган мажбурияти солиқ тўловчиларнинг мажбуриятидир. Солиқ тўловчилар солиқлар мажбуриятларини амалга ошириши, яъни белгиланган солиқларни ўз вақтида ҳамда тўлиқ ҳажимда ҳисоблаб чиқиш ва тўловлар учун уларнинг ҳисоб-китобларини белгиланган тартибда юритилишлари, солиқ ҳисоботларини тузиб белгиланган тартибда давлат солиқ хизмати органларига тақдим этиш зарур. Мазкур вазифаларни бажариш учун солиқ тўловчилар солиқларни ҳисоблаш объектларини ёки уни ҳисоблаш билан боғлиқ объектлар тўғрисидаги барча маълумотларнинг ҳисоб-китобларини олиб боришлари шарт бўлади.

Солиқ тўловчилар бевосита солиқлар тури ёки тўланган даромадлари бўйича ҳисоб-китобларни ва солиқ декларацияларини, шунингдек, ҳисоб-китобларга ҳамда солиқ декларацияларига доир иловаларни ўз ичига оладиган, солиқ тўловчиларнинг ва солиқ агентларининг солиқ мажбуриятларини аниқлаш учун асос бўлиб хизмат қиладиган ҳужжатлари бевосита солиқларнинг ҳисоботи ҳисобланади.

Бевосита солиқлар ҳисоботи Солиқ қўмитаси ҳамда Ўзбекистон Республикаси Иқтисодиёт ва Молия вазирлиги билан келишилган ҳолда тасдиқланадиган шаклларда тузилади. Бевосита солиқлар ҳисоботи солиқ органларида шахс фақат солиқ тўловчи, деб эътироф этиладиган солиқлар бўйича тақдим этадилар. Бевосита солиқларни ҳисоботида кўрсатилган



маълумотларнинг тўғрилиги учун жавобгарлик солиқ тўловчининг ёки солиқ агенлигининг зиммасига юкланади.

Юридик шахс бўлган солиқ тўловчилар ва якка тартибдаги тадбиркорлар солиқ ҳисоботларини ўзи ҳисоботга олган жойдаги солиқ органига белгиланган шакллар бўйича электрон ҳужжат тарзида тақдим этади. Йирик солиқ тўловчилар, жойлашган ўридан қатъий назар, солиқ ҳисоботини Йирик солиқ тўловчилар бўйича ҳудудлараро давлат солиқ инспекциясига тақдим этади.

Солиқ органи солиқ тўловчи томонидан белгиланган шаклда тақдим этилган солиқ ҳисоботини қабул қилишни рад этишга ҳақли эмас. Бевосита солиқларни ҳисоботи қоғозда олган тақдирда, солиқ органи солиқ тўловчининг илтимосига кўра, бевосита солиқлар ҳисоботининг кўчирма нусхасига унинг қабул қилиб олгани тўғрисида белги қўйиши ва у олган санани кўрсатиши шартдир.


Бевосита солиқларни тўлаш солиқнинг тўлиқ суммаси бўйича ёки солиқ тўғрисидаги қонун ҳужжатларда назарда тутилган бошқа тартибда амалга оширилади. Агар бевосита солиқлар бўйича солиқ даври бир неча ҳисобот даврини ташкил этса, улардан ҳар бирининг натижалари бўйича жорий тўловлар тўланади. Жорий тўловларни тўлаш мажбурияти солиқни тўлаш бўйича мажбуриятга тенглаштирилган. Солиқ кодексининг 340-моддасига асосан жами даромади жорий солиқ давридан олдинги солиқ даври учун киритилган тузатишлар ҳисобга олинган ҳолда беш миллиард сўмдан ошадиган солиқ тўловчилар ҳар ойлик бўнак тўловларини ҳисобот даври ҳар бир ойининг йигирма учинчи кунидан кечиктирмай тўлайди⁵⁴. Бўнак тўловларини тўлаш мажбурияти солиқни тўлаш бўйича мажбуриятга тенглаштирилган.

Юридик ва якка тартибдаги тадбиркорлар солиқларни банклар орқали нақд пулсиз шаклда тўловларни амалга оширади. Бевосита солиқларни ҳисоблаб чиқариш тартиби ҳамда уларни тўлаш муддатлари Ўзбекистон Республикаси Солиқ кодексининг Махсус қисмида белгилаб қўйилган.

Бевосита солиқлар ҳисоботи солиқ тўловчи ҳисобга олинган жойдаги солиқ органига белгиланган шаклда қоғоз ёки электрон шаклда Солиқ кодексига мувофиқ бевосита солиқлар ҳисоботига илова қилиниши лозим бўлган ҳужжатлар билан бирга тақдим этилади. Солиқ тўловчи солиқ ҳисоботига илова қилиниши лозим бўлган ҳужжатларни электрон шаклда тақдим этишга ҳақли.

⁵⁴ Ўзбекистон Республикаси Солиқ кодексининг 340-моддаси. 2023.

Ҳисобот солиқ тўловчи томонидан имзоланиши керак, шунингдек агар у юридик шахс бўлса, унинг муҳри билан тасдиқланади. Электрон ҳужжат тарзида тақдим этилган ҳисобот солиқ тўловчининг электрон рақамли имзоси билан тасдиқланади. Солиқ тўловчиларнинг бевосита солиқлар ҳисоботини тақдим этиш ва юборишни 2-расмдаги тартибда амалга оширилади.



⁵⁵Ҳисоб ҳужжатлари қоғозда ва (ёки) электрон шаклларда тузилади ҳамда белгиланган солиқ мажбурияти бўйича 5 йил даъво муддати тугагунга қадар сақланади. Таъкидлаш жоизки, молиявий ва солиқ ҳисоботлари шакллари Солиқ кўмитасининг www.soliq.uz расмий сайтига жойлаштирилган бўлиб, уларни сотиб олиш учун маблағ сарф қилмасдан қоғозга чоп этиб олиш ва тўлдириш мумкин. Бундан ташқари, мазкур сайтда интерактив хизматлардан, хусусан электрон кўринишдаги ҳисобот шакллари жойлаштирилган "Молиявий ва солиқ ҳисоботларини электрон қабул қилиш" порталидан ҳам фойдаланилади.

Солиқ солиш мақсадларидаги ҳисоб сиёсати солиқ тўловчи томонидан мустақил равишда белгиланади. Ҳисоби сиёсатининг услубий қисмда даромад ва харажатларни таснифи, уларни тан олиш, мулк ва ТМЗ ни

⁵⁵ Расм муаллиф томонидан тайёрланган.



баҳолаш усуллари, асосий восита ва номоддий активларни амортизация ажратмасини ҳисоблаш методлари, солиқлар ва бошқа мажбурий тўловлар бўйича солиққа тортиш базасини аниқлаш ва солиқ ҳисобида акс эттириш методикаси, солиқ ҳисоботини тузиш ва тегишли органларга тақдим этиш тартиблари кўрсатилади. Ушбу мақсадлар учун корхонада энг муҳим ҳужжат - ҳисоб сиёсати шакллантирилади. Ҳисоб сиёсати – таомиллар ва асосларига мувофиқ бухгалтерия ҳисобини юритиш ва молиявий ҳисоботни тузиш учун хўжалик юритувчи субъект раҳбари томонидан қабул қилинадиган қоидалар жамламасидир. Барча хўжалик юритувчи субъектларда ташкилий-ҳуқуқий шакллари ва мулкчилик шаклларида қатъи назар, ҳисоб сиёсати бўлиши лозим. Ҳисоб сиёсатини шакллантириш ва тузиш қоидалари [1-сон БХМС](#)да (АВ томонидан 1998 йил 14 августда 474-сон билан рўйхатдан ўтказилган) белгиланган. Ҳисоб сиёсатини шакллантиришда солиқ тўловчи томонидан солиқ солиш мақсадларида танланган ҳисоб юритиш усуллари тегишли ҳисоб сиёсати тасдиқланган йилдан кейинги йилнинг 1 январидан эътиборан қўлланилади. Солиқ ҳисоби сиёсатининг асосий таркибий элементи бўлиб ишчи счётлар режаси ҳисобланади. Чунки солиқларнинг ҳар бир тури бўйича солиққа тортиш базасини аниқлаш усуллари, ҳисоб регистрлари юритиш, уларни счётларда акс эттириш бир-биридан фарқ қилади.

Корхонанинг солиқлар бўйича мажбуриятлари қисқа муддатли ҳисобланади, чунки жорий даврда сўндирилиши керак.

Бевосита солиқлар тўлови тўғрисидаги маълумотни акс эттириш учун 6400-«Бюджетга тўловлар бўйича (турлари бўйича) қарзлар» счёти хизмат қилади. Унда ҳисобланган (тўланадиган) солиқлар суммаси кредитланади, бюджетга тўлангани эса дебетланади.

6410 счётда субъектнинг солиққа оид мажбуриятларини акс эттириш учун мўлжалланган. Бу жорий қарзлар узок муддатли қарзларга доир ана шундай счёт мавжуд эмас, чунки амалда ҳисоблар ёзилган солиққа оид барча мажбуриятлар конун ҳужжатларида белгиланган муддатларда жорий даврда сўндирилади. Фойда солиғини ҳисоблаб чиқариш учун солиқ солинадиган базани аниқлаш ва уни солиқ ставкасига кўпайтириш йўли билан аниқланади.

1-жадвалда Республика бўйича бевосита солиқлари турлари бўйича солиқ тўловчилар сони таҳлили келтирилган.

1-жадвал

2022-2023 йилларда Республика бўйича бевосита солиқлари турлари бўйича солиқ тўловчилар сони таҳлили⁵⁶.

№	Кўрсаткичлар номи	1 январь ҳолатига солиқ тўловчилар сони		
		2022 йил	2023 йил	фарқи (+;-)
1	Фойда солиғи	140 566	165 182	24 616
2	Жисмоний шахслардан олинадиган даромад солиғи	4 708 111	5 321 825	396 068
3	Айланмадан олинадиган солиқ	306 617	330 701	24 084

2023 йил 1 январь ҳолатига фойда солиғи тўловчилар сони 2022 йилга нисбатан 24 616 тага ёки 18 фоизга кўпайган, жисмоний шахслардан олинадиган даромад солиғи тўловчилар сони эса 2023 йил 1 январь ҳолатига ўтган йилга нисбатан 396 068 тага ёки 8 фоизга кўпайган бўлса, айланмадан олинадиган солиқ тўловчилар сони 2023 йил 1 январь ҳолатига ўтган йилга нисбатан 24 084 тага ёки 8 фоизга кўпайганлигини кўриш мумкин. Бунга асос Ўзбекистон Республикаси Президентининг 2018 йил 29 июндаги “Ўзбекистон Республикасининг Солиқ сиёсатини такомиллаштириш концепцияси тўғрисида”ги фармони ҳамда 2020 йил 1 январдан кучга кирган янги таҳридаги Ўзбекистон Республикаси Солиқ кодекси ижроси деб ҳисоблаймиз.

Бевосита солиқлар тўловчилар ҳиссаси 2022 йилда давлат бюджет даромадини 64,4 трлн сўм тушумини ташкил этган бўлса, 2021 йилга нисбатан 5,5 трлн сўмга ёки 9,4 фоизга кўпайган.

2.2. жадвалда 2021-2023 йилларда бевосита солиқ турлари бўйича давлат бюджетидagi қарздорлик таҳлил қиладиган бўлсак 2021 йил якуни бўйича фойда солиғидан 896,8 млрд. сўм қарздорлик мавжуд бўлган бўлса бў кўрсаткич 2023 йил 1 апрель ҳолатига келиб 1 892,0 млрд сўмга кўпайган ёки 52,6 фоизга ошган. Жисмоний шахслардан олинадиган даромад солиғи 2021 йил якуни бўйича қарздорли 510,8 млрд. сўмни ташкил этган бўлса 2023 йил 1 апрель ҳолатига келиб бў кўрсаткич 1030,1 млрд. сўмга кўпайган ёки 50,4 фоизга ошган. Айланмадан олинадиган солиқлар бўйича 2021 йил якуни бўйича қарздорлик 602,6 млрд.сўмни ташкил этган бўлса 2023 йил 1 апрель ҳолатига 473,8 млрд. сўмга камайган ёки 27,2 фоизга пасайганлигини кўришимиз мумкин.

Хулоса ва таклифлар.

Хулоса қилиб айтганда, бевосита солиқларнинг бухгалтерия ҳисобини амалдаги ҳолатини таҳлили қилиш ҳамда солиқ турлари бўйича ҳисоботларни тўлиқ ва тўғри расмийлаштириш жуда муҳимдир.

⁵⁶ Жадвал Ўзбекистон Республикаси Иқсодиёт ва молия вазирлиги маълумотлари асосида муаллиф томонидан тайёрланган.



Бухгалтерия ҳисобига кўйиладиган барча янги талабларни ҳисобга оладиган сифат жиҳатдан янги қонун пайдо бўлиши керак, ҳамда бундай талаблар сунги йилларда яхшигина тўшланиб қолган.

1). [Солиқ кодекси](#) янги таҳрири қабул қилинган, унга асосан солиқ тўловчилар бухгалтерия ҳисобидан ташқари солиқ ҳисобини юритадилар, яъни ушбу иккита ҳисоб – ажратилган. “[Бухгалтерия ҳисоби тўғрисида](#)”ги Қонунда бу акс эттирилмаган.

2). 2020 йилнинг 24 февралдаги [ПҚ-4611](#)-сон қарорга асосан акциядорлик жамиятлари, тижорат банклари, суғурта ташкилотлари ва юридик шахслар – йирик солиқ тўловчилар 2021 йил 1 январдан бошлаб, МҲХС асосида бухгалтерия ҳисоби юритилишини ташкил этади ва 2021 йил якунларидан бошлаб молиявий ҳисоботни МҲХС асосида тайёрлайди, деб кўрсатилган. “Бухгалтерия ҳисоби тўғрисида”ги Қонунни МҲХС, шу жумладан – унда қўлланиладиган терминология нуқтаи назаридан қайта кўриб

чиқиш лозим деб ҳисоблаймиз. Мисол учун, ушбу Қонуннинг [7-моддасига](#) асосан активлар, мажбуриятлар, хусусий капитал, захиралар, даромадлар, харажатлар, фойда, зарарлар ва уларнинг ҳаракати билан боғлиқ хўжалик операциялари бухгалтерия ҳисобининг объектларидир. Молиявий ҳисоботларни тақдим этишнинг Концептуал асосларига (МҲХС) асосан эса активлар, мажбуриятлар, хусусий капитал, даромадлар ва харажатлар молиявий ҳисоботнинг элементлари ҳисобланади.

3) Кадрларга доир масалалар ҳам эътиборга молик, чунки “[Бухгалтерия ҳисоби тўғрисида](#)”ги Қонуннинг амалдаги таҳририда “профессионал бухгалтер”, “сертификатланган профессионал бухгалтер”, “дипломли профессионал бухгалтер” ва ҳоказо каби тушунчалар мавжуд эмас. Ушбу камчиликни бартараф этиш лозим.

ФҲЙДАЛАНИЛГАН АДАБИЁТЛАР:

1. Ўзбекистон Республикаси Қонуни: «Бухгалтерия ҳисоби тўғрисида (янги таҳрири)». 2016 йил 13 апрель.

2. Нидлз Б. и др. Принципы бухгалтерского учета / Б. Нидлз, Х. Андерсон, Д. Колдуэлл: Пер. с англ./ Под ред. Я.В. Соколова. -М: Финансы и статистика, 2003, с.13.

3. Мэтьюс М.Р. Перера, М.Х.Б. Теория бухгалтерского учета. Учебник./ Пер. с англ./ Под ред. Я.В. Соколова. И. А. Смирновой.- М: Аудит, ЮНИТИ, 1999, с.65

4. Ўзбекистон Республикаси Солиқ кодекси. Ўзбекистон



Республикасининг 2019-йил 30-декабрдаги ЎРҚ-599-сон Қонуни билан тасдиқланган. (янги таҳрири).

5. Yangiboev Kh. (2021). Features of forming a direct taxation system at the modern stage. Journal of Hunan University (Natural Sciences) . Vol. 48. No. 11. (2021), pp. 1127-1135. <https://johuns.net/index.php/abstract/193.html>

6. X.Yangiboev. (2021). Ways To Collect Personal Income Tax And Reduce Tax Arrears. Turkish Online Journal of Qualitative Inquiry (TOJQI). Volume 12, Issue 9, August (2021) pp. 3770-3776 <https://www.tojqi.net/index.php/journal/article/view/6382>

7. Yangiboev Kh. and others. (2021). The Role of Foreign Investment in Free Economic Zones and Their Necessity for the Country's Development. Design Engineering. ISSN: 0011-9342 | Year 2021 Issue: 8 | Pages: 10037-10049.